

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX 007 „Tekući transfer za Kantonalni zavod za medicinu rada i sportsku medicinu“ i subanalitika LAX 011 „Tekući transfer za Kantonalni zavod za medicinu rada i sportsku medicinu- zdravstvena zaštita sportista“ broj: 02-11-8310/23 od 19.05.2023. godine, na prijedlog Ministarstva zdravstva, Vlada Zeničko-dobojskog kantona, na 22. sjednici, održanoj dana 02.06.2023. godine, d o n o s i

ODLUKU

o odobravanju sredstava JU Zavod za medicinu rada i sportsku medicinu Zeničko-dobojskog kantona za finansiranje zdravstvene zaštite sportista u 2023. godini

Član 1.

(Predmet)

Odobravaju se sredstva JU Zavod za medicinu rada i sportsku medicinu Zeničko-dobojskog kantona u iznosu od 150.000,00 KM (slovima: stotinupedesethiljada konvertibilnih maraka) za finansiranje projekta iz oblasti zdravstvene zaštite sportista amatera u 2023. godini pod nazivom „Očuvanje zdravlja sportista amatera na području Zeničko-dobojskog kantona putem redovnih sistematskih pregleda“.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX011, pozicija „Tekući transfer za Kantonalni zavod za medicinu rada i sportsku medicinu - zdravstvena zaštita sportista“.

(2) Sredstva odobrena Odlukom će se transferisati na žiro-račun JU Zavod za medicinu rada i sportsku medicinu Zeničko-dobojskog kantona broj: 1340100000000896 otvoren kod ASA banke, na osnovu Odluke.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Zavod za medicinu rada i sportsku medicinu Zeničko-dobojskog kantona, svako u okviru svoje nadležnosti.

Član 4.

(Izveštavanje)

(1) JU Zavod za medicinu rada i sportsku medicinu Zeničko-dobojskog kantona dužna je izvjestiti Ministarstvo zdravstva o namjenskom utrošku sredstava, dostavljanjem izvještaja o realizaciji projekta za period januar-decembar 2023. godine do 15.01.2024. godine.

(2) U slučaju nepostupanja prema članu 4. stav (1) ove odluke, JU Zavod za medicinu rada i sportsku medicinu Zeničko-dobojskog je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-9165/23

Datum, 02.06.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Zavod za medicinu rada i sportsku medicinu

Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a.